

զնա ի պարոնութիւն: Եւ այս Բողքովա Իւոնն երբեմն լեալ էր ի երկիրն, և յետոյ ելեալ ի յերկրէն զնացեալ էր ի Մաճաբք, և յետոյ եկեալ Իլախաց երկիրս այս, ժամանակաւ ժամանակաւ կացեալ էր և առ մեծամեծս. և երկրի պարոնայք զաղտաբար սմա թղթեր առաքելով իւրեանց ձեռնագրով և մոհրովն, կոչէին զինքն ի պարոնութիւն. և նա նոցա զորդութեան վերայ ելեալ և ժողովեց յԽազախներն 400, և ընդ նոցա եմուտ ի երկիրն Օլախաց. և եկաւ ուղղորդ ի յԱսն (Եաչ) ուր պարոնանիստ քաղաք է. և զմիւսն հին պարոն փախտական արարեալ ի երկրէն, ինքն նստաւ փոխանակ նորա ի պարոնութիւն: Յետոյ դարձեալ այդ հին պարոն՝ որ է Բեդրա, ժողովեց զԹուրքն և զՄինդանն, և դարձեալ եկաւ ի այս Բողքովային վրայ, և զինքն եհան ի պարոնանիստ ապարանիցն ի յԱսն, և արար փախտական. և ինքն դարձեալ նստաւ ի պարոնութիւն: Եւ զայս Բողքովանն հրամանաւ թագաւորին մերոյ Ստեփանոսին՝ կամեցաւ վոյվոտան զրկել ի թագաւորն՝ կապանք. և աղաչեաց զվոյվոտան որ թոյլ տայ նմա, զի ինքն իւր կամաւ երթայցէ առ թագաւորն. և նա եթող զնա զի երթիցէ: Եւ իրբեւ զնաց առ թագաւորն՝ ի նոյն ժամն զինքն կապել ետ երկաթի կապանք, և առ իւր պահել. և յետ փոքր ժամանակի հրամայեաց զլխատել ի Լոյն: — Յետոյ դարձեալ յետ երկուց շաբաթուցն՝ այլ ոմն ուրիշ պարոն մտաւ ի յերկիրն՝ Խազախներովն. զոր ոմանք ասացին, եթէ այդ Բողքովային եղբայրն է. և զարձեալ եկն ի պարոնանիստ քաղաքն. և զհին պարոն զԲեդրա եհան ի ապարանիցն՝ որ է ամրոցն, և ինքն եմուտ և նստաւ ի տեղի նորա, և փակուեցաւ ի ամրոցին: Եւ ունէր ընդ իւր 1000 Խազախ՝ դըճանքչիք, և թօփեր այլ ունէր ի հետ իւր: Եւ այս պարոն Բեդրն շիւարեցաւ տարակուսեցաւ, թէ զինչ առնիցէ. և զատեցաւ ի Եասէն՝ ուր դախդն էր. և հեծելովն իւրով հեռագոյն չրչէր. մինչ դարձեալ ետ բերել զԹուրքերն, և ընդ նոսա սկսաւ կռիւ առնել ի հետ այս նոր պարոնին. և որչափ մարտնչէին և կռուէին՝ այդչափ կոտորէր զնոսա այդ նոր պարոնն. և բազում Թուրքն կոտորեց և զՕլախցիքն այլ ընդ նոսա: Եւ այս ընդերկարեցաւ մինչեւ երկու ամիս. և հանապազ պատերազմէին, և միշտ յաղթուէին և կոտորուէին այս հին պարոնին մարդիքն: Բայց վասն այս պատճառի մեծ նեղութիւն և հալածումն եհաս այդ երկրի բնակչաց ամենայն ազգի, եթէ Հայոց և եթէ Օլախի. զոր զքաղաքս նոցա այրեց զԱսն, և զամենայն ինչսն զոր ունէին՝ թալանեցին և աւարեցին, և զինքեանսն լաւ ի պատուաւոր մարդկանէ սպանանէին: Բայց այս ամենայն եղեւ վասն ծովացեալ մեղաց մերոց. զոր Աստուած ողորմի ամենայն աշխարհի, և բառնայ զայսպիսի պատուհասն ի յամենայն երկրէ և ի սահմանացն, նա և ի մերում քաղաքէ և ի սահմանաց մերոց. ազատէ ի ձեռաց անօրինաց՝ խստաց և ապստամբողաց. և զամենայն թշնամեաց զկարողութիւն և զզօրութիւն խափանէ, և կործանէ զնոսա մինչ ի սպառ: Նա և մեզ տացէ զգաստութիւն և արթնութիւն. զի լիցուք ըստ պատուիրանի նորա, և զտցուք զթողութիւն մեղաց մերոց. և միշտ բեւե-